



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2014. GODINU STRANKE ZA BOLJE GORAŽDE

Broj: 03-07-6-288/15
Sarajevo, 29. mart 2016. godine

SADRŽAJ

| | |
|--|---|
| MIŠLJENJE REVIZORA..... | 3 |
| 1. UVOD..... | 4 |
| 2. PREDSTAVLJANJE POLITIČKE STRANKE..... | 4 |
| 3. OPIS PREGLEDA I KONTROLE FINANSIJSKOG IZVJEŠTAJA..... | 4 |
| Predmet pregleda i kontrole..... | 4 |
| Cilj pregleda i kontrole..... | 5 |
| Obim pregleda i kontrole..... | 5 |
| 4. PRETHODNE KONTROLE I REVIZIJE..... | 5 |
| 5. NALAZI I PREPORUKE..... | 5 |
| 5.1. NALAZI..... | 5 |
| 5.2. PREPORUKE..... | 6 |

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Stranke za bolje Goražde za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2014. godinu, utvrđeno je da je Stranka za bolje Goražde prekršila odredbe člana 11. i člana 12. stav (1), stav (2) i stav (3) Zakona o finansiranju političkih stranaka i člana 15. 1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Stranke za bolje Goražde za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka za bolje Goražde finansirala se iz sljedećih izvora:

| Red. br. | Vrsta prihoda | Iznos u KM | Učešće u uk. prih. % |
|-----------|--------------------------------------|------------------|----------------------|
| 1 | Članarina | 0,00 | 0,00% |
| 2 | Prilozi fizičkih lica (3-a) | 234,00 | 1,91% |
| 3 | Prilozi pravnih lica (3-b) | 2.000,00 | 16,35% |
| 4 | Prihodi od imovine (3-c) | 0,00 | 0,00% |
| 5 | Prihodi od pr.lica (3-d) | 0,00 | 0,00% |
| 6 | Prihodi od poklona (3-e) | 0,00 | 0,00% |
| 7 | Prihodi iz budžeta (3-f) | 10.000,00 | 81,74% |
| 8 | Prihodi od propagande (3-g) | 0,00 | 0,00% |
| 9 | Ostali prihodi | 0,00 | 0,00% |
| I | Ukupni prihodi | 12.234,00 | 100,00% |
| II | Kreditno zaduženje kod banaka | 0,00 | 0,00% |
| | Izvori finansiranja (I+II) | 12.234,00 | 100,00% |

U godišnjem finansijskom izvještaju stranka je iskazala rashode u ukupnom iznosu od 12.178,11 KM.

2. PREDSTAVLJANJE POLITIČKE STRANKE

Naziv političke stranke: Stranka za bolje Goražde. Skraćeni naziv je SBG.

Stranka je registrovana kod Općinskog suda u Goraždu broj upisa: 045-0F1-13-000001 od 23.12.2013. godine.

Šjedište političke stranke je u Goraždu, 43. drinske brigade bb.

Lice ovlašteno za zastupanje stranke je Radeljaš Esed, predsjednik.

Lice ovlašteno za podnošenje finansijskih izvještaja za 2014. godinu je Izudin Fejzić.

Prema podacima iz finansijskog izvještaja za 2014. godinu, Stranka za bolje Goražde nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke za bolje Goražde za 2014. godinu i finansijski izvještaj za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Stranke za bolje Goražde obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode iz budžeta.

4. PRETHODNE KONTROLE I REVIZIJE

Kontrola se obavlja prvi put.

5. NALAZI I PREPORUKE

5.1. NALAZI

a) Stranka je prekršila odredbe člana 11. i člana 12. stav (1) i (3) Zakona o finansiranju političkih stranaka.

Uvidom u poslovne knjige stranke utvrđeno je da stranka nije evidentirala sve troškove u svojim poslovnim knjigama te da godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 11. i člana 12. stav (1) i (3) Zakona o finansiranju političkih stranaka.

(1) U obrascima 4 (Rashodi političke stranke) i 4.1 (Režijsko-administrativni i ostali troškovi) finansijskog izvještaja stranka nije iskazala troškove zakupa u iznosu od 1.400,00 KM niti je isti evidentirala u svojim poslovnim knjigama, čime je prekršila odredbe člana 21. i 22. Pravilnika.

Uvidom u dokumentaciju utvrđeno je da je stranka sklopila ugovor o zakupu sa fizičkim licem u periodu trajanja od 01.06.2014. – 31.12.2014. godine čija mjesečna zakupnina iznosi 200,00 KM, a što za sedam mjeseci iznosi 1.400,00 KM.

(2) U obrascima 3 (Izvori finansiranja) i 3-f (Prihodi iz budžeta) finansijskog izvještaja stranka je iskazala prihod iz Budžeta BiH u iznosu od 10.000,00 KM, čime je prekršila odredbe člana 13. i 19. Pravilnika.

Uvidom u dokumentaciju utvrđeno je da je stranka kao prihod iz Budžeta BiH iskazala povrat sredstava po osnovu takse za ovjeru političke stranke za učešće na Opštim izborima 2014. godine u iznosu od 10.000,00 KM. Pogrešnim evidentiranjem i iskazivanjem sredstava stranka je neosnovano uvećala prihod za navedeni iznos kao i rashode u istom iznosu.

(3) Stranka je u obrascu 5 finansijskog izvještaja (Obaveze političke stranke) iskazala ukupne obaveze stranke u iznosu od 11.977,61 KM, čime je prekršila odredbe člana 24. Pravilnika.

Uvidom u poslovne knjige stranke kao i obrasce 5.1 i 5.2 finansijskog izvještaja utvrđeno je da stranka po osnovu pozajmica fizičkim licima sa 31.12.2014. godine duguje 600,00 KM kako je i iskazala u tabeli 5.1 i da prema dobavljačima sa 31.12.2014. godine nema neplaćenih obaveza što je i iskazala u tabeli 5.2 finansijskog izvještaja.

Takođe, stranka nije evidentirala ni iskazala u godišnjem finansijskom izvještaju neizmirene obaveze prema fizičkom licu za zakupninu u iznosu od 1.400,00 KM.

b) Stranka je prekršila odredbe člana 12. stav (2) Zakona o finansiranju političkih stranaka i odredbe člana 15. 1 stav (1) Izbornog zakona Bosne i Hercegovine.

Stranka za bolje Goražde je prekršila odredbe člana 12. stav (2) Zakona o finansiranju političkih stranaka i člana 15.1 stav (1) Izbornog zakona BiH, jer je finansijski izvještaj za period od dana podnošenja prijave za ovjeru za izbore do dana ovjere rezultata Opštih izbora, održanih u oktobru 2014. godine dostavila nakon zakonom propisanog roka, tj. dana 29.12.2014. godine.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM¹ po biraču u svakom izbornom krugu, prema broju birača koje je objavila Centralna izborna komisija BiH.

Stranka za bolje Goražde je, prema podacima Centralne izborne komisije BiH, u svrhu izborne kampanje mogla da potroši 4.692,20 KM.

U godišnjem finansijskom izvještaju, Stranka za bolje Goražde nije iskazala troškove propagande.²

5.2. PREPORUKE

Preporučuje se Stranci za bolje Goražde da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi adekvatne evidencije o svojim rashodima,*
- *da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i u skladu s rokovima propisanim Zakonom o finansiranju političkih stranaka i Izbornim zakonom BiH.*

KOMENTAR:

Stranka za bolje Goražde je u ostavljenom roku dostavila primjedbe na Preliminarni izvještaj o pregledu godišnjeg finansijskog izvještaja za 2014. godinu.

Stranka je djelimično postupila u skladu sa preporukama, te je u ostavljenom roku dostavila uplatnicu kao dokaz o vraćenju donaciji pravnom licu „Bosman“ .

Služba za reviziju je uvažila sve argumentovane primjedbe stranke, i u skladu sa tim korigovala nalaze.

Šef Odsjeka za revizijske poslove

Sanja Tošović

Šef Službe za reviziju

mr.sc Hasida Gušić

Revizor

Veliborka Kenjić

¹ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

² Na Zahtjev Centralne izborne komisije BiH da dostavi podatke o troškovima kampanje, stranka je dostavila Izjavu u kojoj navodi da nije imala troškove kampanje, te da s toga ne može dostaviti odgovarajuću dokumentaciju.